

Fundacion Betico Croes orguyosamente a presenta su website nobo: beticocroes.org

STA. CRUZ -- Presidente di Fundacion Betico Croes, Maikito Croes a bisa di ta sumamente contento cu nos a drenta un etapa nobo di e fundacion. Un danki special na Ishwar Daryanani pa por a presenta e website di Fundacion Betico Croes den un tempo record. El a wordo sorprende pa e talento y e seriedad di Ishwar y su director pa e trabao cu el a haci den un tempo hopi corto. Pasobra atraves di tecnologia awor aki lo bay tin un mercado hopi mas grandi cu nos por reach cu e informacion cu nos por comparti relaciona cu Aruba,

tur informacion relaciona cu Betico. Nos ta haya hopi peticon pa aña, no solamente pa Aruba pero tambe den exterior pa informacion pa studiantenan cu ta haci nan scriptie relaciona cu Status Aparte, historia di Aruba, ken ta Betico den e historia. Tin biaha ta dificil pa manda informacion y tambe ta costoso pa nan y pa nos pa manda informacion pa nan. Fundacion Betico Croes te cu awe no ta ricibi ningun subsidio institucionaliza. Nos ta traha di donacion, bende un pastechi, bende un kroket, un refresco na e actividadnan. Desafortunadamente cu otro

aña Fundacion ta bay cumpli 20 aña y ainda nos ta traha di e forma ey. Atraves di e website nos lo tin un reach mas grandi pa comparti informacion pa esnan cu ta desea informacion, pero tambe permiti nos di pone nos mes available tur caminda rond mundo cu boeki, documentonan, potretnan, souvenirnan cu nos tin cu nos por bende p'asina recauda fondo pa bo sigui traha pa bo logra bo metanan. Na caminda nos tin publicacion di un boeki di historia cu Gloria Croes ta trahando ariba dje. Despues e boeki aki tambe

lo ta available tambe ariba e website. Por cumpra y download esaki. Hopi cos cu nos ta haciendo aki nan ta bira mas acesibel pa tur hende rond mundo. Nos tin potretnan historico, no solamente pa studiantenan, cu ta skirbiendo scriptie, pero tambe pa esnan cu ta amigo di Aruba.

Esnan cu conoce historia di Betico y su significacion pa Aruba por cumpra tambe e potretnan ey digital y nan mes por print esaki. Di e forma ey nos ta yama un danki, pasobra cu e obra di Ishmedia y Ishwar Daryanani nos por bisa cu awe

orguyosamente nos ta launch fundacion beticocroes.com y beticocroes.org.

A opta pa bin cu dos number of dos canal di entrada pa e website pa motibo cu hopi hende ta bisa fundacionbeticocroes.com ta largo. Ta idea pa e website bira den cuatro idioma pa asina nos sirbi tambe e mercado nacional. Pues esaki ta un comienzo y nos ta sumamente orguyoso cu e proyecto aki. Nos sa cu e ta bay sirbi nos hopi, no solamente e fundacion pero e ta hiba e historia un paso mas leu atraves di e website aki.